

to, quod satis est, dissoluuntur. Coquuntur iterum, quoad succi absumentur. Dein adde cerę, vnc. quinq. Fellis taurini, aur. quinq. Feruefiunt simul, donec ceraliquatur. Tunc inspergitur paulatim puluis sequens: nempe Scammonijs, aloes, mezerei, colocynthidos, turpeti, aň aur. quinq. Euphorbij, aur. duo. Sa- lis gemmæ, aur. tres. Piperis longi, zingiberis, chamæmelij, aň aur. duo. Com-mixtis omnibus, fiat vnguentum.

VNGVENTVM CYCLAMINI MINVS.

Eiusdem.

XXXVII.

Lenis tumores etiam scirrhosos dissoluit, & strumas discutit. Recipit succi cyclamini, succi glutinosi è radice filicis expressi, succi ebuli, aň vncias no- uem. Succi summitatū tamaricis, vnc. duas. Olei irini, lib. duras. Oesypi, drach. quinq. Hammoniaci, bdelliij, aň drach. vnam, & dimidiā. Aceti, quod satis ad gummi vtriusq; dissolutionem. Ceræ flauæ, vnc. sex. Corticum radicum cappa- ris, vnc. vnam, & dimidiā. Spicæ nardi, vnc. dimidiā. Formatur vnguentum.

ANNOTATIO.

Si cyclamini radices recentes haberri non possunt, tunc sumenda radicum aridarum lib. sex, & contusæ coquenda sunt in aqua, succusq; vt ex Glycyrrhiza, eliciendus.

VNGVENTVM EX ALABASTRO.

Incertiautoris.

XXXVIII.

Capitis, & oculorum potissimum morbis, fronti, & temporib; illitum, item podagrīcīs & articulorū dolorib; confert. Habet olei rosacei, lib. vnam. Vinialbi clarissimi, lib. duas. Florum chamæmelij recentium, vnc. qua- tuor. Rutæ viridis, cymarum rubi, aň manipul. vnum. Foliorum foeniculī viri- dis, vnc. duas. Buliant lento ad ignem donec vīnum absumentur, deīn coletur, & adiūciatur ceræ liquatæ, vnc. tres. Postremo vbi ab igne remota fuerint, ad- duntur alabastrī exactissimè triti vnciæ sex. Albumina ouorum numero duo, & commixtis omnibus fiat vnguentum.

DE EMPLASTRIS, SECTIO
DECIMASEXTA.

EMPLASTRVM & DIA CHYLON SIMPLEX.

Ioannis Damasceni.

I.



OLLET aduersus duriciem iecoris, lienis, ventriculi, & alia- rum partium. Strumas quoq; discutit. Habet mucaginis semi- nis foenigræci, seminis lini, & radicum altheę, aň lib. vnam. Li- thargyri purgati plumbo & scoria, tenuissimè triti, lib. vnam, & dimidiā. Olei veteris clari, lib. tres. Lithargyrum & ole- um diu & multum in mortario b; lapideo, pistillo ferreo subi- guntur & miscentur. Postigni lento coquuntur spatha rudiculaue semper agi- tando, donec liquetur lithargyrum, & crassescat. Tunc ab igne amouetur, & paulatim frigescit. Interim mucagini parum feruefiunt: ac posteaquam per se coctæ fuerunt, paulatim lithargyro & oleo pistillo ligneo permiscentur. Po- stremo omnia simul ad iustum crassitiem percoquuntur. Valentius resoluit & maturat, si addatur c; puluis iridis. Magis item erit anodynō, si mucago seminis meliloti

mæmelinum acceperit.

ANNOTATIONS.

a Diachylōn.) Appellatur hoc emplastrum à lentis succis, siue mucaginibus. Barbari
medici, hodie facientes medicinam, Diaquilon, non sine eruditorum risu, nominant. Alio
nomine Diachylōn simplex & cōmune, & album dicitur, propter lithargyrum & oleum
aqua communi vel salsā diligenter lota. Albedinem verò ei addit sal paucus initio extra-
hendē mucaginis admixtus, pauca seminis fœnigræci copia, & coctio mediocris. Vtriusq;
nang immoderatus modus, flauum emplastrum facit.

b Lapideo.) Si fieri potest, in mortario è durissimo lapide constructo subigantur. Hodie vero maxime pharmaceopi vtuntur. Exemplo autem huius Emplastri, in alijs quoq; metallica prius oleo, vino, aceto, aut alio quodam liquore citra ignem nutriuntur, & in pila rudicula vel pistillo continenter mota crassescunt.

c Puluis iridis.) Vniam scilicet vnam in singulas libras. Sed tunc adijciendum cum illo puluere aliquod oleum.

EMPL. DIA CHYLON COMPOSITVM.

Incerti autoris.

III.

PHlegmonas ad suppurationē ducit, duritas emollit, & discutit, pusq; à rupta phlegmone abstergit. Accipit mucaginis radicum althæ, seminis lini, mucaginis membranæ inter corticem & lignum vlmī mediae, mucaginis fœni græci, an vnc. quatuor. Oleorum chamæmelini, liliacei, anethini, an vnc. vnā. Ammoniaci, galbanī, opopanaxis, sagapeni, an vnc. dīmīdiā. Ceræ nouæ, vnc. viginti. Croci, drach. duas. Terebinthinæ, vnc. duas. Gummi in vino optimo dissolutis, fiat emplastrum.

EMPL. DIA CHYLON MAGNUM.

Ioannis Damasceni.

III.

S Cirrhos emollit, & discutit. Recipit lithargyri puri, triti, & creti, lib. vnam.
Olei irini, anethini, chamæmelini, añ vnc. octo. Mucaginis seminis linii, &
fœnigræci, & ficuum pinguium, & vuarum passarū, succi iridis, & scillæ, œsy-
pi, * ichthyocollæ, añ drach. duodecim, & dimidiam. Terebinthinæ, vnc. tres. * *Glutinis*
Resinæ piní, ceræ flauæ, añ vncias duas. Formetur vt Diachylon simplex, siue pisciū, *vulgæ*
commune.

ANNOTATIO.

Huic emplastro si accesserit bdellij, sagapeni, ammoniaci, galbani, singulorum vncia
vna, Diachylon gummatum vulgo vocatur, aut nigrum. Hoc inflammata & dura sedan-
do, molliendo, ac discutiendo magis est efficax, ideoq; magnum dicitur.

EMPL. DIA CHYLON PARVVM.

Einsdem.

III.

Tumores calidos discutit & maturat. Habet lithargyri, vnc. sex. Olei veteris clari, lib. vnam. Mucaginis psyllij, vnc. quatuor. Mucaginis seminis hyoscyami, vnc. vnam, & dimidiam. Mucaginis feminis lini, & radicis altheæ, an vnc. duas. Fiat vt primum.

ANNOTATIO.

a Tumores calidos.) Præcipue phlegmoneſ duraſ. Efficacissimumq; eſt ad mulcendam
intemperieſ calidaſ, psyllij & hyoscymati ratione. Item ad ſiccandum & diſcutiendum
lithargyri nomine & aliorum quorundam.

fiji

EMPLAÇ

**LEONHARTI FUCHSII
EMPLASTRVM E MVCAGINIBVS.**

Incerti autoris.

V.

EMOLLIT duritias omnes. Capit mucaginis seminis lini, altheae, foenigraci, membranæ inter corticem & lignum vlm̄i mediæ, añ vnc. quatuor, & dimidiā. Oleorum liliacei, chamæmelini, anethini, añ vnc. vnam, & dimidiā. Ammoniaci, galbani, opopanacis, sagapenī, añ vnc. dimidiā. Croci, drach. duas. Terebinthinae, vnc. duas. Ceræ nouæ, vnc. viginti. Fiat ^a emplastrum. Nonnullis Diachylon compositum dicitur.

ANNOTATIO.

a Fiat emplastrum.) Mucaginiæ enim ipsæ, cortice vlm̄i inter corticem & lignum medio benè prius contuso, oleis antea residentia purgatis, vellinteo sine expressione colatis in coquendo consumantur. Quibus adhuc calentibus, cera minutum secta immittatur, & gummi aceto, vel chamæmeli & meliloti decocto soluta, & linteo colata oleo & ceræ calidis commisceantur. Crocus tritus marmori aspergitur, & manibus magdalias ducendo permiscetur,

EMPLASTRVM DIA CHYLON.

Nicolai Myrepisci.

VI.

AD omnem phlegmonem ob duritiem factam confert. Dolores demolit. Propriè vero podagrīcīs, & arthriticīs succurrīt. Accipit farinæ feni graci, seminis lini, ptisanæ, añ lib. dimidiā. Succulentī radicis altheæ, vīscī, lithargyrī, añ lib. vnam. Ceræ, lib. dimidiā. Olei communis, lib. vnam, & dimidiā. Coquuntur oleum, lithargyrum, & succus ebisci, donec non inquinat, manusue contaminent, deinceps adiūciuntur.

EMPLASTRVM E BACCIS LAVRI.

Ioannis Damasceni.

VII.

VEntriculi, intestinorum, fecoris, renū, vesicæ, vteri, & partium aliarum dolorem à flatibus aut frigida intemperie ortum, ^a placat. Recipit thuris, mastiches, myrrhæ, añ vnc. vnam. Baccarum lauri, vnc. duas. Cyperi, costi, añ vnc. dimidiā. Mellis ^b colati, quantum ad ea comprehendenda sufficit. Si autem cyperi vnc. vnam & dimidiā, & stercus capræ aut vaccæ siccum pondere omnium adiūcias, ad hydropem fit mirabile.

ANNOTATIONES.

a Placat.) Præcipue verò in colico dolore à flatibus & pituita calidum ventri salubriter adhibetur, aut infuso supponitur, ad vnciam aut sesquunciam cum eorum quæ flatus dissipant, & tensionem remittunt decocto. Vsurpatur etiam in ascite & tympanite ventri extensem, vbi stercora siccata, caprinum nimirum aut columbinum, receperit: tuncq; mel largiore copia affundendum est, quantum scilicet omnibus excipiendis sufficerit, quod utrobiq; calidum & liquatum potius quam colatum esse debet, ne emplastrum æquo diuis euadat.

b Colati.) Alias calidi, id est, liquati. Ipsum verò largius addendū est, si stercora miscentur, quantum scilicet omnibus excipiendis satis erit.

EMPLASTRVM E BACCIS LAVRI.

Incerti autoris.

VIII.

IDem quod præcedens potest. Habet foliorum rutæ aridorū, drach. decem. Seminis ammeos, cari, dauci, nigellæ, cumini, libystici, origani, fœniculæ, baccarum lauri, piperis nigri & longi, amygdalarum amararum, acori radicis, castori, añ drach. duas. Opopanacis, drach. tres. Sagapenī, drachmas quatuor. Hæc trita melle cocto pondere omnium excipiuntur.

EMPL.

EMPL. VENTRICVLVM ET IECVR CALEFACIENS
ac roboran.

Ioannis Damasceni.

IX.

Capit lignia aloes, absinthij, gummi arabici, mastiches, cyperi, costi, zingiberis, aī vnc. dimidiam. Calami odorati, thuris, aloes, aī drach. tres. Caryophyllorum, macis, nucis moschatæ, gallæ moschatae, cinamomi, spicenardi, florum iunci odorati, aī drach. vnam, & dimidiam. Excipiuntur Miua aromatica. Vsus tempore, quin panno intenderis, suffies ligno aloes.

ANNOTATIO.

a Suffies.) Quod hoc modo fit: Emplastro super panno extenso, lignum aloes minutatim incisum, carbonibus ignitis imponitur: & manibus apprehensum emplastrum sic tenetur, vt accensi ligni fumū in se recipiat, & calefactū tandem laboranti loco imponitur,

EMPLASTRVM E MELIOTO.

Eiusdem.

X.

Mollit duritatem omnem ventriculi, iecoris, lichenis, viscerum, & reliquarum. Accipit meliloti, vnc. sex. Florum chamæeli, seminis foenigræci, baccarum lauri, radicis altheæ, absinthij, aī drach. tres. Seminis apij, ammeos, cardamomi, cyperi, iridis, casiae, spicenardi, aī drach. vnam, & dimidiam. Samphuchi, drach. tres. Ammoniaci, drach. decem. Styracis, bdellij, aī drach. quinque. Terebinthinæ, vnc. vnam, & dimidiam. Ficuum pinguium, numero duodecim. Seui caprini, resinæ, aī vnc. duas, & dimidiam. Ceræ, vnc. sex. Olei samphuchini, & olei de spica, quod satis est. Aquæ cui melilotus, foenumgræcum, & chamæelium incocta sunt, quantum satis erit aliorum infusioni: commiscentur, & secundum artem fit ^b Emplastrum.

ANNOTATIONES.

a Reliquarum.) Scilicet partium emolliendam, hypochondriorum tensionem laxandam, flatusq; resoluendos. Vtum eo igitur ad molliendum, attenuandum, discutiendum, & calefaciendum, estq; anodynnum.

b Fit emplastrum.) Alij aliter compónunt. A nonnullis seuum hircinum colatum, resina, & cera in oleis liquantur, sicut pingues aut parum humectatae probè tritæ per cribrum setaceum, aut mantile stamenie cernuntur, & prædictis miscentur. Dein ammoniacum, bdellium in aceto: soluuntur & colantur. Acetum namq; essentia teruitate promptius ista peruidit & dissoluit, aqua vero ægrius. Postea terebinthina, postremò vbi omnia refixerint, pulueres treti herbarum, radicum, florum, aromatum, & simul cum ijs styrax per se diligenter tritus, admiscentur. Hæc cæteris, quas missas facimus, expeditior esse videtur; ideoq; hanc indicasse vnam, satis sit.

EMPLASTRVM TRIPHARMACVM.

Eiusdem.

XI.

Idem quod vnguentum Tripharmacum potest. Recipit lithargyrif subtilissime triti, aceti, aī lib. dimidiam. Olei veteris, lib. vnam. Coquitur igne lento, ad crassitatem.

EMPLASTRVM & OXYCROCEVM.

Nicolai Myrepisci.

XII.

Ad ossa contusa, neroos, ac dolores, & ad omnem contusum locum idoneum. Habet Croci, Picis naualis, colophoniae, ceræ, ana ^b vncias duas,

duas. Terebinthinæ, galbaní, ammoniací, myrrhæ, thuris, mastiches, aī vnciā dimidiā, drach. vnam, & dimidiā. Galbanum & ammoniacum coniūcuntur in acetum, & in eo per noctem macerantur, postridie liquantur igni, colantur: iterum coquuntur ad aceti consumptionem, tunc pīx naturalis liquata & collata iniūcitur, dein cera: qualiquata, colophonía: de in terebinthina, post mastiche, myrrha, & thus, tenuissimè trita, semper spathula mouendo. Cocta, vbi iam refixerunt, funduntur super marmor oleo inunctum, & crocus in puluerem tritus inspergitur, ac subigitur, & singitur massa.

ANNOTATIONES.

Oxycroceum
cur dictum?

a Oxycroceum.) Sic dictum est ab aceto & croco, quæ huius compositionem ingrediuntur.
b Vncias duas.) Pondera hæc planè habentur in græco Nicolai codice, quæ retinenda esse duximus. Latina exemplaria geminant pondera, ideoq; hic habent vncias quatuor, & paulo post vnciam vnam, & drach. tres. Nihil autem refert, siue quis plus aut minus recipiat, modò proportionem legitimam seruat. Cordus hæc quintuplo plus accipit pondere, nempe vncias duodecim. Tamen in altero pondere proportionem non seruat, propterea quod vncias quatuor sumat.

Cordus.

EMPLASTRVM & APOSTOLICVM.

Nicolai Myrepisci.

XIII.

* Thuri
pollinis.

Omnes neruorum præcisiones & puncturas à ferro factas, à phlegmone arcet, cruentis vulneribus destinatum. Educit surculos, calamos, tela, & omnia venenata. Extrahit omnia aliena, in profundo corporis sita. Facit ad abscessus, carcinomata, phygetla, & ceruicis dolores: strumas, pernicioſa & maligna vlera rumpit. Prodest ad duricium lienis, influxiones articulorum, & defluxiones genuum. Valet ad eos qui à rabidis animantibus morti sunt, & quæcunq; discutere oportet. Capit lithargyri, vnc. duas, drach. vnam, scrup. vnum. Ceræ, colophoniae, aī vnc. vnam, scrup. vnum. Ammoniaci, drach. duas. Galbanii, myrrhæ, aī drach. vna, scrup. vnum. Bdellij, drach. duas. Resinæ pineæ, mastiches, aī drach. quatuor. *Mannæ, thuris, aī drach. duas. Aeruginis rasilis, drach. vnam, scrup. vnu. Opopanax, aristolochiæ longæ, drach. vnam, scrup. vnum. Olei veteris, vnc. duas. Tritum lithargyrum, & per cribrum tenuissimum excretum, coquitur cum oleo ad lentum ignem. Aerugo, postquam lithargyrum ad medietatem coctum est, iniūcitur. Vbi ad iustam consistentiam coactum fuerit, adiūcitur cera & colophonía: vbi ab igne summotum fuerit, insperguntur reliqua trita & cribrata. Opopanax autem, & galbanum vino dissoluta, b postremum adduntur.

ANNOTATIONES.

Apostolicum
cur dictum?

a Hæc est Apostolici emplasti apud Nicolaum legitima compositio, quod sic propter suæ facultatis efficaciam dictum est: & vt Nicolaus adiicit, ob specierum numerum, qui duodecim apostolorum numerum æquat. Siquidem duodecim species, eius compositionem ingrediuntur, nempe 1 lithargyrum, 2 colophonía, 3 ammoniacum, 4 galbanum, 5 myrrha, 6 bdellium, 7 mastiche, 8 manna, 9 thus, 10 aerugo rasilis, 11 opopanax, 12 aristolochia. Quapropter hinc appareat, alijs compositionibus quæ in latinis habentur codicibus multa accessisse, quæ numerum duodenarium plurimum excedunt, adeoq; apostolici nomenclaturam sibi parum recte vendicant. Quæ qualia, & quot sint, ex sequenti compositione, quam è latino Nicolai codice descripsimus, quæq; haec tenus in officinis medicorum visitata fuit, cognoscetur.

b Postremum adduntur.) Signum coctionis est, dum medicamenti pars aquæ frigidæ infusa duratur, nec digitos attractu inquinat. Ita percoctum in aquam frigidam infunditur, quæ dum refixit, manibus exprimitur, & super marmor oleo laurino inunctum in magdalias efformatur.

EMPLASTRVM APOSTOLICVM.

Nicolai Alexandrini,

XIV.

Accipit

Accipit lithargyri, vnc. sex. Ceræ rubeæ, colophoniae, añ vnc. duras. Pro-poleos, visci quercini, añ vnc. vnam. Ammoniaci, lapidis calaminaris, añ vnc. sex. Mastiches, thuris, mumiæ, añ vnc. dimidiæ. Terebinthinæ, galbani, bdellij, myrrhae, æris vstæ, sarcocollaæ, ^a squamæ æris, dictamni, aristolochiaæ rotundæ, ^b prassij viridis, opopanax, añ drach. tres. ^c Olei, quod satis est. Lithargyrum in tenuissimum redactum puluerem in oleo coquatur, & cum spathula agitetur, donec fiat massa purpurea, & non adhæreat manibus dum refrigerata tractatur. Ammoniacum, galbanum, & opopanax in vino per noctem mace-rentur, & postridie ad vini consumptionem coquantur. Postea cera liquefacta & colophonia, dein mastiche, thus, myrrha, bdellium, & alia trita in puluerem insperguntur, postremò autem dictamnus.

ANNOTATIONES.

Huic compositioni nouem adduntur quæ in Græcis, & meritò quidem, modo nomen suum retinere velit, desiderantur, ut est 1 propolis, 2 viscum quercinum, 3 lapis calaminaris, 4 mumia, 5 æs vstum, 6 sarcocolla, 7 squama æris, 8 dictamnus, 9 prassium viride. Quapropter si legitimo Apostolico vti velint pharmacopœi, id quod è duodecim duntaxat constat speciebus, componant, non id quod è pluribus concinnatur.

^a Squama æris.) In Latinis codicib. mendosè legitur, Lapidis calcis. Error autem è Græcis parum rectè scriptis promanauit. *λέπις* enim *χάλκη* scriptum fuisse videtur: quæ verba imperitus librarius in lapis calcis mutauit. Pari ratione calcecucamenon, deprauatè pro *χαλκὴ κεναφλί* scriptum est in ijsdem codicibus.

^b Prassij viridis.) Per prassium autem viride hic nō intelligenda erit, nisi ærugo, quam *Prassium viride*.

^c Olei, quod satis est.) Magnoperè enim videndum est, ut moderata olei copia nullum emplastro negotium facessat. Liberaliore nanqmodo appositum, magnum temporis interuallum ad cocturam expetit. Parcius vstionem facit, & priusquam cætera quæ liquefieri debent apponantur, plus iusto coit emplastrum & adhæsum facit. Iustus est olei modus, si ad Lithargyri pondo, olei sesquipondo addas. Acs vstum quoq; pro liberaliore aut parciori copia, emplastrum nigrum, aut rubrum reddit.

EMPLASTRVM ALBUM & COCTVM.

Simplex.

XV.

SVcurrir̄t intertriginibus, & cutis desquamationes auulsiones ūe, quaçunq; ex occasione factis. Recipit olei communis, lib. duas. Cerussæ, lib. vnam, & dimidiæ. Ceræ albaæ, vnc. quatuor. Coquuntur secundum artem, & fiat emplastrum.

ANNOTATIO.

^a Coctum.) Quia sola coctura ab vnguento albo differt. Non secus vnguentum tripharmacum & tetrapharmacum cocturæ modo in emplastra transeunt. Dicitur alio nomine Emplastrum de cerussa.

EMPLASTRVM ALBUM COCTVM.

Compositum.

XVI.

Habet cerussæ, vncias viginti. Olei communis, vncias decem. Mastiches, vncias quatuor. Thuris, vnc. sex. Terebinthinæ, vnc. vnam. Ceræ, vncias quatuor, fiat emplastrum.

EMPLASTRVM & CERONEVM.

Nicolai Alexandrinii,

XVII.

AD dolos.

Ad dolorem scapularum & thoracis à frigore ortum valet. Lienis duriti-
am remollit. Aquam inter cutem à frigida iecoris intemperie natam fa-
nat, & vteri vitijs ex eadem causa procreat prodest. Lumborum, pudendo-
rum, vesicæ, & renum frigus vi sua calefaciente dissipat. Ossium fracturis, &
luxatis commodat. In summa repellit, cōquit, mollit, carnesq; procreat. Capit
pīcis naualis colatæ, ceræ, aī vnc. duas, drach. tres. Sagapeni, vnc. duas. Am-
moniaci, terebinthinæ, colophoniæ, croci, aī vnc. vnam, drach. tres. Aloes,
thuris, myrrhae, aī vnc. vnam. Opopanax, styracis calamitæ, galbanii, masti-
ches, aluminiis, fœnigraci, aī drach. sex. Styracis rubri, bdellij, aī drach. tres.
Lithargyr, drach. vnam, & dimidiam. Sagapenum, ammoniacum, opanax,
& galbanum aliquantulum tusa vino tecta per noctem macerantur. Dein advi-
ni dimidiū consumptionem coquuntur, tunc pīx naualis benē colata admisce-
tur, & spathula mouetur quoad liquefiat. Hacliquata, cera additur: qua fusā, co-
lophonia colata, postea styrax pistillo calido tritus frustatim imponitur: hinc
mastiche, thus, myrrha, bdellium, trita ac creta: aliquandiu post iniçit tere-
binthina, alumen, lithargyrum, fœnum græcum. Percoctum, effunditur in
aquam frigidam. Ab extracto, aqua omnis manibus exprimitur: dein cum pul-
uere aloes super marmor oleo laurino vñctum subigitur. Postremò cum croco
in puluerem trito, manibus eodem oleo vñctis, finguntur massæ.

ANNOTATIO.

a Ceroneum.) Fortè Ceroma, à cera dictum est. Hoc emplastrum, ut sequentia aliquot,
qua ad Nicolaum autorem referuntur, in Latinis duntaxat Nicolai Præpositi codicibus
reperiuntur. qua quum sint hodie vñtata in nonnullis officinis, prætereunda nobis esse
non putau.

EMPLASTRVM DE IANNA.

Nicolai.

XVIII.

Accipit succorum apij, plantaginis, betonicæ, aī lib. vnam. Ceræ, pīcis,
resinæ, terebinthine, aī lib. dimidiam. Formatur emplastrum hoc modo.
In succis reliqua tria nempe cera, pix, resina, lento igni coquuntur, & continen-
ter mouentur ad succorum consumptionem: postremò terebinthina mista, se-
melaut bis feruefit. Utuntur eo Chirurgi in ulceribus & vulneribus sordidis
detergendi & glutinandi.

EMPLASTRVM GRATIA DEI.

Nicolai.

XIX.

Recipit terebinthinæ, lib. dimidiam. Resinæ, lib. vnam. Cera albæ, vncias
quatuor. Mastiches, vnc. vnam. Verbenæ, betonicæ, pimpinellæ, aī ma-
nipulum vnum. Herbæ tusæ ex vino albovalenti seu generoso coquuntur ad
tertiæ partis vini consumptionem: colantur, herbarum substantia abijicitur. In
colato, cera, resina, aī mastiche coquuntur, ad iustum consistentiam. auferuntur
ab igne: additur terebinthina, spathula mouetur, & fit emplastrum.

ANNOTATIO.

a Mastiche.) Satius ex cera & resina in colato vini reliquo ad eius propè consumptio-
nem percoctis masticem addere, quod cocturam propter essentia tenuitatem vix susti-
neat, postremò terebinthina, haec semel feruefacere, auferre igni: & vbi refixerint, fin-
gere in ossas cylindrales. Vsurpant illud Chirurgi in solidandis & glutinandis ulceribus
& vulneribus, sordidis repurgandis, inflammatis leniendis, duratis emolliendis, neruo-
rumq; præcisionibus.

EMPLA-

Nicolai.

XX.

Habet galbani, myrrhæ, aī vnc. vnam, drach. duas. Ammoniaci, vnc. tres. drach. tres. Opopanacis, mastiches, aristolochiæ longæ, æruginis, aī vnc. vnam. Lithargyri, olei communis, aī lib. vnam, & dimidiā. Ceræ nouæ, vnc. octo. Thuris, vnc. vnam, drach. vnam. Bdellij, vnc. duas. Magnetis, vnc. tres. Lithargyrū in oleo diu maceratur & nutritur, postea ad spissitudinem^b coquitur. Dein additur cera minutim concisa: qua liquata, aufertur ab igni: adiicitur galbanum, ammoniacum, opopanax, bdellium, si molle est, in aceto vel vino dissoluta, & colata, & cocta: postea puluis myrrhæ, bdellij. si siccum est, mastiches, thuris, aristolochiæ, magnetis. postremo ærugo, ne si diu coquatur, Emplastrum fiat rubeum.

ANNOTATIONES.

a Diuinum.) Hoc nomen à felicitatis successu, quem in glutinandis vulneribus habet, meruit. Siquidem Chirurgi eo non solum cruenta & recentia, verum etiam vetera ac diurna, malignoꝝ humorum vitio fluida vlcera celeriter repurgant, implent, ac mirificè veluti ope diuina glutinant. Nerorum præcisionibus, ruptis, conuulsiis optimè conuenit, surculos alto corporis infixos, & spicula euellit. Strumas & abscessus diuturnos disrumpit.

b Coquitur.) Quæ ei ob olei paucitatem expedita est & facilis.

c Emplastrum rubeum fiat.) In permiscenda ærugine magnus coloris habendus delectus est. Si enim giluum aut luteum emplastrum cupis, semiustam æruginem imponere oportet, aut conueniente coctura color ille petendus est. Postremo loco impoſita ærugo longiore coctione rubore contrahit, eumq; præstantiorem si eius drachmas duas vel quatuor, dum coqui cœperit lithargyrus, immittas: reliquas verò eius drachmas percocto ferre medicamento addideris. Fuscum demum, nec ita coloratum emplastrum facit ærugo tota postremo loco permista, quæ medicamento adhuc valde calido, ne ob eius solidiorem duriciem ægrius permisceatur, indi debet.

EMPLASTRVM & GRISEVM.

Incerti autoris.

XXI.

Desiccatur, explet, vlcera, & ijsdem cicatrices inducit. Capit lapidis calaminiarum præparati, vnc. vnam. Lithargyri, vnc. duas. Cerussæ, vnc. dimidiā. Tuthiæ, drach. vnam. Terebinthinæ, drach. sex. Cera alba, vnc. vnam, & dimidiā. Seui ceruini, vnc. duas. Thuris selecti, drach. quinq;. Mastiches, drach. tres. Myrrhæ, drach. duas. Succisemperuii, drach. vnam, & dimidiā. Formetur emplastrum, iuxta^b artem.

ANNOTATIONES.

a Griseum.) Alio nomine emplastrum de lapide calaminari nominatur.

b Iuxta artem.) Lithargyros trita aliquantulum oleo nutriatur, agitetur, modicè cocto cera liquetur, dein seum ceruinum, quibus paulisper refrigeratis, addantur terebinthina, & succus semperuii. Dein lento igni reddantur, & inspergantur pulueres.

EMPLASTRVM VIRIDE.

Incerti autoris.

XXII.

Accipit ceræ nouæ, resinæ, terebinthinae, aī vnc. quatuor. Thuris, mastiches, æruginis, aī drach. tres. Fiat emplastrum secundum artem.

ANNOTATIO.

a Secundum artem.) Cera liquata affunditur resina, dein terebinthina, pulueres postea insperguntur thuris & mastiches, ærugo postremo apponitur. Sordida vlcera terget, purgat, & explet.

EMPL. BASILICVM MAGNVM.

XXIII.

g

Vlcera

LEONHARTI FUCHSII

350

VLCeraphlegmones expertia, partium maximè neruofarum, tergit, & carne implet. Recipit ceræ albæ, resinæ pineæ, seu vaccini, picis nauralis, terebinthæ, thuris, myrrhæ, aī vnc. vnam. Olei, quod sati est: fiat emplastrum.

EMPL. E CRVSTA PANIS.

Montagnanæ,

XXIII.

Confert ad vomitum puerorum, & ijs qui cibum retinere nequeunt. Habet mastiches, menthae, spodij, coralli rubri, santalorum rubrorum & alborum, aī drach. vnam. Crustæ panis tostæ, & in aceto per dimidiam horam maceratae, vnc. duras. Olei mastichini, citoniorum, aī vnc. vnam. Farinæ hordei, quantum sufficit; formetur emplastrum.

ANNOTATIO.

Vulgare est, nec contemnendum remedium ad stomachi dissolutionem, & ciborum refectionem, huic perfimile, quod recipit offam panis vstulati, vino Cretico, aut aceto intestinam & imbutam, puluere mastiches, zingiberis, cinamomi, caryophyllorum, nucis moschatæ, maceris aspersam, & ori ventriculi appositam.

EMPL. AD BVBONES PESTILENTES.

XXV.

Capit radicis dictamniae albi, aristolochiae vtriusq; aī vncias duas. Scordij, canagallidis vtriusq;, coaguli leporis, fermenti, aī vnc. vnam. Galbanii, ammoniaci, sagapeni, asæ fœtidæ, myrrhæ, piperis, sinapi, aī drach. dimidiā. Ficuum pingüium, numero viginti vnum. Radicis iridis, steroris columbini, aī vnc. vnam, & dimidiā. Axungiae anatis, vncias duas. Sulphuris, vnc. dimidiā. Gummi dissolutis in vino, reliqua cum melle & oleo veteri redigantur in emplastri consistentiam.

DE CERATIS, SECTIO
DECIMASEPTIMA.

CERATVM & LIQVIDVM.
Galeni.

I.

* Crudo citra
latem.



Efrigerat, ideoq; febris, ardentibus, erysipelatis, & phlegmonibus, maximè pudendorum conuenit. Accipit ceræ albæ, & elotæ, vnc. vnam. Olei rosacei ex *omphacino facti, vnc. quatuor. Fiat ceratum in vase duplicit: qd quum coiuit, & b refrigeratum est, multum diuq; ex c aqua frigidissima, & postremò pauco aceto claro seu puro & albo subigitur.

ANNOTATIONES.

Infrigidans
Galeni.

a Liquidum.) Hodie infrigidans Galeni & ceratum album nominatur. Describitur autem à Galeno lib. 10. Ther. Methodi, cap. 9. Et lib. 1. de Simpl. medicament. facul. cap. 6. & lib. 6. de Tuen. sanitate. Quare Mesua filius recte ad Galenum autorem refert. Supra vnguentum quoq; infrigidans Galeni descripsimus, quod nomen accepit, quia consistentia vnguento est finitimum.

b Refrigeratum est.) Mittendo scilicet vas, in quo ceratum est, in aquam frigidissimam. ut Galenus docet.

c Ex aqua